

ცვლილებები ძალაშია 10/07/2017 წლიდან

ინტერნეტ-ვერდზე www.procreditbank.ge განთავსებულ საბანკო მომსახურების პირობებში შევიდა შემდეგი ცვლილებები:

1. საბანკო მომსახურების პირობების მე-2 მუხლის პირველი პუნქტი შეიცავალა და ჩამოყალიბდა შემდეგი რედაქციით:

„1. კლიენტი შეიძლება იყოს როგორც რეზიდენტი, ისე არარეზიდენტი ფიზიკური ან იურიდიული პირი, ასევე საქართველოს კანონმდებლობით გათვალისწინებული (ნებისმიერი სახის) სუბიექტი ან ორგანიზაციული წარმონაქმნი, მიუხედავად იმისა, ითვლება თუ არა ის იურიდიულ პირად.“

2. საბანკო მომსახურების პირობების მე-3 მუხლის მე-3 და მე-4 პუნქტები დაკორექტირდა და ჩამოყალიბდა შემდეგი რედაქციით:

„3. იმ ცვლილებების/დამატებების ძალაში შესვლისათვის, რომელიც დაკავშირებულია საგადახდო მომსახურებასთან და ხორციელდება ბანკის სასარგებლოდ, საკმარისია იგი განთავსდეს ბანკის ოფისებში და ვებგვერდზე www.procreditbank.ge, ცვლილების/დამატების ძალაში შესვლამდე მინიმუმ ერთი თვით ადრე. აღნიშნული ვადის დაცვის ვალდებულება არ ვრცელდება ისეთ შემთხვევებზე, როდესაც ხორციელდება საგადახდო მომსახურების საკომისიოს ოდენობის ცვლილება კლიენტის სასარგებლოდ, ასევე იმ ახალ საგადახდო მომსახურებაზე რომელიც არ ანაცვლებს და/ან არ ცვლის ხელშეკრულებით გათვალისწინებულ საგადახდო მომსახურებას (მომსახურებებს).

4. იმ ცვლილებების/დამატებების ძალაში შესვლისათვის, რომელიც არ არის დაკავშირებული საგადახდო მომსახურებასთან, საკმარისია იგი განთავსდეს ბანკის ოფისებში და ვებგვერდზე www.procreditbank.ge, ცვლილების/დამატების ძალაში შესვლამდე მინიმუმ ერთი თვით ადრე. აღნიშნული ვადის დაცვის ვალდებულება არ ვრცელდება ისეთ შემთხვევებზე, როდესაც ცვლილება ხორციელდება კლიენტის სასარგებლოდ“.

3. შეიცვალა ზემოაღნიშნული დოკუმენტის მე-4 მუხლის პირველი პუნქტი და ჩამოყალიბდა შემდეგი რედაქციით:

„1. ბანკი უფლებამოსილია, ცალმხრივად, ნებისმიერ დროს (მიუხედავად იმისა, განსაზღვრულია თუ არა ხელშეკრულების ვადა), შეწყვიტოს კლიენტთან გაფორმებული ნებისმიერი ან ყველა ხელშეკრულება (მათ შორის, ხელშეკრულება საბანკო ანგარიშის გახსნისა და მომსახურების შესახებ“), რისთვისაც აუცილებელია კლიენტს აცნობოს ერთი თვით ადრე. წინამდებარე დოკუმენტის მე-3 მუხლით გათვალისწინებულ ცვლილებებზე კლიენტის უარის შემთხვევაში ბანკი უფლებამოსილია შეწყვიტოს ნებისმიერი ხელშეკრულება ცვლილებების ამოქმედების თარიღის შემდეგ.

4. შეიცვალა პირობების მე-7 მუხლის პირველი პუნქტის „ა“ ქვეპუნქტი და ჩამოყალიბდა შემდეგი რედაქციით:
„ა) მიმდინარე ტიპის ანგარიშები;“

5. შეიცვალა საბანკო მომსახურების პირობების მე-8 მუხლის სახელწოდება, ასევე პირველი, მე-3 და მე-4 პუნქტები და ჩამოყალიბდა შემდეგი რედაქციით:

„მუხლი 8. მიმდინარე ანგარიშები ფიზიკური პირებისთვის“

„1. ბანკსა და კლიენტ ფიზიკურ პირს შორის ფორმდება „მიმდინარე ანგარიშის გახსნისა და მომსახურების შესახებ“ ხელშეკრულება და/ან მისი დანართი. ხელშეკრულების დანართი წარმოადგენს ხელშეკრულების განუყოფელ და შემადგენელ ნაწილს.“

„3. ფიზიკური პირისთვის შესაძლებელია მხოლოდ ერთვალუტიანი საბანკო ანგარიშის გახსნა. აღნიშნულ ანგარიშზე შესაძლებელია ტრანზაქციების განხორციელება მხოლოდ ერთ კონკრეტულ ვალუტაში, რომლებიც დაშვებულია ბანკში ოპერაციების საწარმოებლად.

4. კლიენტი უფლებამოსილია გახსნას მაქსიმუმ სამი ერთვალუტიანი ანგარიში ლარის, აშშ დოლარისა და ევროს ვალუტაში. ფიზიკური პირისათვის ერთ ვალუტაში ერთზე მეტი მიმდინარე ანგარიშის გახსნა დაუშვებელია.“

6. საბანკო მომსახურების პირობებს დაემატა მე-8 პრიმა მუხლი:

„მუხლი 8¹. მიმდინარე ანგარიშები იურიდიული პირებისა და ორგანიზაციული წარმონაქმნებისთვის, რომელიც არ წარმოადგენს იურიდიულ პირს;

1. ბანკსა და კლიენტს (გარდა ფიზიკური პირებისა) შორის ფორმდება „მიმდინარე მულტისავალუტო ანგარიშის გახსნისა და მომსახურების შესახებ ხელშეკრულება და/ან მისი დანართი. ხელშეკრულების დანართი წარმოადგენს ხელშეკრულების განუყოფელ და შემადგენელ ნაწილს.
2. მიმდინარე ანგარიში არის საბანკო ანგარიში, რომლებზეც აღირიცხება პირის ფულადი სახსრები და რომელსაც განკარგავს კლიენტი გადახდების განსახორციელებლად ან სხვა მიზნით.
3. კლიენტისათვის (გარდა ფიზიკური პირებისა) ხდება მულტისავალუტო საბანკო ანგარიშის გახსნა. აღნიშნულ მულტისავალუტო ანგარიშზე შესაძლებელია ტრანზაქციების განხორციელება ყველა იმ ვალუტაში, რომლებიც დაშვებულია ბანკში ოპერაციების საწარმოებლად.“

7. შეიცვალა მე-9 მუხლის სახელწოდება და ჩამოყალიბდა შემდეგი რედაქციით:
„მუხლი 9. მიმდინარე ტიპის ანაბრის სატრანზიტო მულტისავალუტო ანგარიში (აღნიშნული ანგარიშის მომსახურების პირობები მოქმედებს 2017 წლის 10 ივლისამდე გახსნილი ანგარიშებისათვის).“

8. შეიცვალა ზემოაღნიშნული დოკუმენტის მე-10 მუხლის პირველი პუნქტი და ჩამოყალიბდა შემდეგი რედაქციით:
„1. ანაბარი არის საანაბრო ანგარიშზე განთავსებული ფულადი სახსრები. ბანკი ვალდებულია ანაბრის შეწყვეტისას ან ვადის დასრულებისას იმავე ვალუტაში დააბრუნოს ანაბრის თანხა, რა ვალუტაშიც იქნა განთავსებული ანაბარზე. ანაბარს შესაბამისად უნდა დაერიცხოს პროცენტი. ბანკში ანაბარი შეიძლება გაიხსნას მხოლოდ მიმდინარე ანგარიშის მქონე კლიენტებისთვის. კლიენტს მიმდინარე ანგარიში უნდა ქონდეს ანაბრის შესაბამის ვალუტაში.“

9. ამოღებულ იქნა პირობების მე-12 მუხლი.
10. შეიცვალა მე-13 მუხლის სახელწოდება და ჩამოყალიბდა შემდეგი რედაქციით:
„მუხლი 13. ზრდადი ანაბარი / ეკო ზრდადი ანაბარი (აღნიშნული ანაბრის მომსახურების პირობები მოქმედებს 2017 წლის 10 ივლისამდე გახსნილი ანგარიშებისათვის).“

11. შეიცვალა მე-15 მუხლის მე-5 პუნქტი და ჩამოყალიბდა შემდეგი რედაქციით:
„5. ფიზიკური პირის ანაბარზე შესაძლებელია შემდეგი ოპერაციების შესრულება: თანხის გადარიცხვა/ჩარიცხვა ამავე მეანაბრის მიმდინარე ანგარიშზე/ანგარიშიდან.

12. საბანკო მომსახურების პირობებს დაემატა მე-15 პრიმა მუხლი:
„მუხლი 15¹. ფიზიკური პირის შემნახველი ანაბარი “FlexSave”
1. ბანკსა და კლიენტს შორის ფორმდება „შემნახველი ანაბრის “FlexSave” ხელშეკრულება“.
2. ხელშეკრულება იდება განუსაზღვრელი ვადით.
3. ანაბარი წარმოადგენს მოთხოვნამდე ტიპის ანაბარს და მეანაბრეს შეუძლია მრავალჯერადად გაზარდოს და/ან შეამციროს ანაბარზე არსებული თანხა ხელშეკრულების მოქმედების პერიოდში.
4. ანაბრის გასახსნელად სავალდებულო არ არის პირველადი შენატანის გაკეთება. ანაბარი შესაძლებელია გაიხსნას ნულოვანი ნაშთით. ანაბარზე პირველადი შენატანის შესრულება შესაძლებელია ნებისმიერ დროს. შესაბამისად ანაბარზე პროცენტის დარიცხვა დაიწყება თანხის განთავსების მომდევნო დღიდან.
5. ანაბარზე ნებადართული ოპერაციების შესრულების რაოდენობა და პერიოდულობა შეუზღუდავია.
6. ანაბარზე შესაძლებელია მხოლოდ თანხის გადარიცხვა/ჩარიცხვა ამავე მეანაბრის პროკრედიტ ბანკში გახსნილ მიმდინარე ანგარიშზე/ანგარიშიდან.
7. ანაბრის ხელშეკრულების შეწყვეტა და ანაბრის დახურვა შესაძლებელია მხოლოდ იმ შემთხვევაში, როცა მეანაბრე ხურავს მიმდინარე ანგარიშს ანაბრის შესაბამის ვალუტაში.
8. ანაბრის ხელშეკრულების შეწყვეტის შემთხვევაში ანაბარს, საპროცენტო სარგებლის ბოლო გადახდის თარიღიდან ანაბრის დარღვევის თარიღამდე პერიოდზე, დაერიცხება ანაბრის ხელშეკრულების შეწყვეტის მომენტისათვის ამ ანაბარზე მოქმედი საპროცენტო განაკვეთი.
9. ანაბრის ხელშეკრულების შეწყვეტის შემთხვევაში ანაბრის ანგარიშზე არსებული მთლიანი თანხა ჩაირიცხება მეანაბრის მიმდინარე ანგარიშზე.
10. ანაბარზე, მისი მოქმედების მთელი პერიოდის განმავლობაში, ვრცელდება ბანკის მიერ გაწეული/გასაწევი საბანკო მომსახურების საკომისიოები და ყოველი ოპერაციის განხორციელებისას ბანკის მიერ იმ დროისათვის დადგენილი ტარიფები.“

13. შეიცვალა აღნიშნული დოკუმენტის მე-16 მუხლის 46-ე პუნქტი და ჩამოყალიბდა შემდეგი რედაქციით:
ბარათზე ბარათის მფლობელის მიერ შესაძლებელია განხორციელდეს შემდეგი ცვლილებები (გარდა Pay Sticker-ზე):

- ა) საბარათე ანგარიშის (ძირითადი და/ან დამატებითი) შეცვლა;
- ბ) ბარათზე ანგარიშის მიბმა/მოხსნა;
- გ) ბარათზე CVV2/CVC2 კოდის ფუნქციის გათიშვა/ჩართვა;
- დ) ბარათზე ინტერნეტ ტრანზაქციების გათიშვა/ჩართვა
- ე) ბარათზე fallback ფუნქციის დაშვება/გათიშვა;
- ვ) ბარათის დაბლოკვა/განბლოკვა. ბარათის დაბლოკვის უფლება ასევე აქვს ბარათით მოსარგებლეს;
- ზ) ბარათზე დღიური განაღდების/ხარჯვის ლიმიტის ცვლილება;
- თ) ბარათის დახურვა.

Pay Sticker-ზე:

- ა) Pay Sticker-ის ანგარიშის შეცვლა;
- ბ) Pay Sticker-ის დაბლოკვა/განბლოკვა;
- გ) Pay Sticker-ის დახურვა.

14. შეიცვალა აღნიშნული დოკუმენტის მე-17 მუხლის მე-2 პუნქტი და ჩამოყალიბდა შემდეგი რედაქციით:
„2. ბარათი შეიძლება იყოს „ვიზას“ (მათ შორის „ვიზა Flex Card“) ან “მასტერქარდის” ტიპის. - ვიზა ბიზნეს ბარათი არ გაიცემა არამეწარმე ფიზიკურ პირზე. „

15. პირობების მე-17 მუხლის მე-2 პუნქტს დაემატა შემდეგი შინაარსის 2¹ პუნქტი:
„2¹. 2017 წლის 01 ივნისამდე გაცემულ ლოკალური ტიპის შემნახველ ბარათებზე ვრცელდება წინამდებარე საბანკო მომსახურების განახლებული პირობები.“

16. შეიცვალა ამავე მუხლის მე-5 და მე-6 პუნქტები და ჩამოყალიბდა შემდეგი რედაქციით:
„5. ბარათზე ხდება მიმდინარე ანაზრის ანგარიშ(ებ)ის მიმაგრება. ბარათით მომსახურებისთვის კლიენტს ბანკში გახსნილი უნდა ქონდეს მიმდინარე ანგარიშ(ებ)ი.

6. ბარათზე შესაძლებელია არაუმეტეს სამი ანგარიშის მიბმა, რომლ(ებ)იც წარმოდგენილი შეიძლება იყოს მაქსიმუმ სამ სხვადასხვა ვალუტაში (ლარი, აშშ დოლარი და ევრო). ბარათზე მიბმული ანგარიშებიდან მხოლოდ ერთი ანგარიში არის ძირითადი, ხოლო დანარჩენი ორი არის დამატებითი ანგარიშები. ძირითად და დამატებით საბარათე ანგარიშებს ირჩევს კლიენტი ბარათის შეკვეთის დროს.“

17. შეიცვალა პირობების მე-20 მუხლის მე-6 პუნქტის პირველი აბზაცი - სტანდარტული პაკეტის ქვეპუნქტი და ჩამოყალიბდა შემდეგი რედაქციით:

„სტანდარტული პაკეტი: ამ შემთხვევაში კლიენტს არ გადაეცემა “დიგიპასი” დროებით სარგებლობაში და/ან TAN-ის საგენერაციო სხვა ელექტრონული მოწყობილობა/საშუალება. მომხმარებელს შეეძლება ნახოს თავისი ანგარიშები, შეასრულოს ოპერაციები მხოლოდ მის კუთვნილ ანგარიშებს შორის, მიმდინარე ანგარიშიდან განახორციელოს კომუნალური და სხვა სახის გადახდები. ასევე გახსნას მიმდინარე ანგარიში და შემნახველი ანაზარი;“

18. შეიცვალა საბანკო მომსახურების პირობების 21-ე მუხლის მე-2 პუნქტი და ჩამოყალიბდა შემდეგი რედაქციით:

„2. კლიენტმა უნდა უზრუნველყოს ანგარიშზე გადარიცხვის განხორციელებისთვის და ბანკის შესაბამისი საკომისიოს გადახდისათვის (ასეთის არსებობის შემთხვევაში) საკმარისი თანხის არსებობა ავტომატური გადარიცხვის თარიღის დადგომამდე მინიმუმ ერთი დღით ადრე.“

19. შეიცვალა საბანკო მომსახურების პირობების 23-ე მუხლის მე-3 პუნქტი და ჩამოყალიბდა შემდეგი რედაქციით:

„3. იმ შემთხვევაში, თუ გადარიცხვის მომენტისათვის ხელშეკრულებაში მითითებულ ძირითად ანგარიშზე რიცხული ნაშთი არ იქნება საკმარისი ავტომატური ოპერაციის განხორციელებისა და ბანკის შესაბამისი საკომისიოს გადახდისათვის (ასეთის არსებობის შემთხვევაში), მაშინ ამ ანგარიშზე საკმარისი თანხის უზრუნველყოფის მიზნით ბანკი ვალდებულია გამოიყენოს ხელშეკრულებით განსაზღვრული დამატებითი ანგარიშები (მათ შორის განსხვავებულ ვალუტაში) და მათზე არსებული თანხები გადაიტანოს ძირითად ანგარიშზე. დამატებითი ანგარიშების გამოყენება ხდება ხელშეკრულებაში მითითებული პრიორიტეტების გათვალისწინებით. ანგარიშების პრიორიტეტები დგინდება ხელშეკრულებაში მათი მითითების რიგითობის მიხედვით.“

20. შეიცვალა საბანკო მომსახურების პირობების IX თავის საერთო და სპეციალური დებულებები და ჩამოყალიბდა ახალი რედაქციით:

„თავი IX - საბაზისო საბანკო პროდუქტებით სარგებლობის
საერთო დებულებები

მუხლი 26.

1. კლიენტისათვის აღნიშნული თავის სპეციალური დებულებებით განსაზღვრული საბანკო მომსახურებების გაწევა ხორციელდება საბაზისო საბანკო პროდუქტებით სარგებლობაზე გაფორმებული შესაბამისი ხელშეკრულების საფუძველზე.
2. იმ შემთხვევაში, თუ ხელშეკრულების დადების მომენტისათვის კლიენტი უკვე სარგებლობს საბაზისო საბანკო პროდუქტებით სარგებლობის ხელშეკრულებით განსაზღვრული სერვისებით/საბანკო პროდუქტ(ებ)ით, მაშინ კლიენტზე უკვე დარეგისტრირებული საბანკო პროდუქტ(ებ)ის ხელახალი რეგისტრაცია და აღნიშნულ პროდუქტებზე ახალი ხელშეკრულებების/შეთანხმებების გაფორმება აღარ ხდება.
3. საბაზისო საბანკო პროდუქტებით სარგებლობის ხელშეკრულება მოქმედებს ბანკში კლიენტის ყველა ანგარიშის დახურვამდე.
4. საბანკო მომსახურების პირობების შემადგენელ და განუყოფელ ნაწილს წარმოადგენს საბაზისო საბანკო პროდუქტებით სარგებლობისთვის დადგენილი ტარიფები. კლიენტი ადასტურებს, რომ გაეცნო საბაზისო საბანკო პროდუქტებით სარგებლობისთვის დადგენილ შესაბამის ტარიფებს, ეთანხმება მათ და პრეტენზია არ გააჩნია.
5. ის საკითხები და ასევე ის ტარიფები, რომლებიც არ არის გათვალისწინებული ხელშეკრულებით/წინამდებარე დოკუმენტით და საბაზისო საბანკო პროდუქტებით სარგებლობისთვის დადგენილი ტარიფებით, განისაზღვრება თითოეულ საბანკო მომსახურებაზე/პროდუქტზე გაფორმებული ხელშეკრულებით/შეთანხმებით და ბანკის მიერ დადგენილი სტანდარტული ტარიფებით.
6. აღნიშნული თავით განსაზღვრული დებულებები, 2017 წლის 10 ივლისიდან ვრცელდება სახელფასო პროექტის, ონლაინ ანგარიშისა და სერვის პაკეტით მოარგებლე, ასევე ბანკის ყველა არსებულ კლიენტზე.

საბაზისო საბანკო პროდუქტებით სარგებლობის სპეციალური დებულებები

მუხლი 27. მომსახურება სახელფასო პროექტის პაკეტით (ამოღებულია 10/07/2017). მუხლი

28. მომსახურება სერვის პაკეტით (ამოღებულია 10/07/2017).

მუხლი 29. მომსახურება ონლაინ ანგარიშის პაკეტით (ამოღებულია 10/07/2017).

მუხლი 29¹. საბაზისო საბანკო პროდუქტები - „ბიზნეს კლიენტების ანგარიშის მომსახურება“

1. ბანკსა და კლიენტს შორის ფორმდება ხელშეკრულება „საბაზისო საბანკო პროდუქტებით სარგებლობის შესახებ“ („ბიზნეს კლიენტების ანგარიშის მომსახურება“).
2. საბაზისო საბანკო პროდუქტებით სარგებლობა („ბიზნეს კლიენტების ანგარიშის მომსახურება“) გულისხმობს მასში შემავალი საბანკო პროდუქტებით და შეღავათიანი ტარიფებით სარგებლობის უფლების მოპოვებას, ცალკეულ საბანკო პროდუქტზე/მომსახურებაზე ფიქსირებული საკომისიოს გადახდის სანაცვლოდ.
3. საბაზისო საბანკო პროდუქტებში („ბიზნეს კლიენტების ანგარიშის მომსახურება“) შემავალი საბანკო პროდუქტებია:

- 1 ერთი მულტისავალუტო მიმდინარე ანგარიშის გახსნა
- 2 ინტერნეტ ბანკინგის სრული პაკეტი
- 3 ვიზა ბიზნეს ბარათი (1 ცალი)
- 4 სადეპოზიტო ბარათი (2 ცალი)
- 5 SMS მომსახურება (1 ცალი)
- 6 ავტომატური დავალება
- 7 სატელეფონო პინ-კოდი

მუხლი 29². საბაზისო საბანკო პროდუქტები - „აქტიური ანგარიშით მომსახურება“

1. ბანკსა და კლიენტ ფიზიკურ პირს შორის ფორმდება ხელშეკრულება „საბაზისო საბანკო პროდუქტებით სარგებლობის შესახებ“ („აქტიური ანგარიშით მომსახურება“).
2. საბაზისო საბანკო პროდუქტებით სარგებლობა („აქტიური ანგარიშით მომსახურება“) გულისხმობს მასში შემავალი საბანკო პროდუქტებით და შედავათიანი ტარიფებით სარგებლობის უფლების მოპოვებას, ცალკეულ საბანკო პროდუქტზე/მომსახურებაზე ფიქსირებული საკომისიოს გადახდის სანაცვლოდ.
3. საბაზისო საბანკო პროდუქტებში („აქტიური ანგარიშით მომსახურება“) შემავალი საბანკო პროდუქტებია:
 - 1 ერთი მიმდინარე ანგარიში ლარში, აშშ დოლარში, ევროში
 - 2 შემნახველი ანაბარი Flex Save (მიმდინარე ანგარიშის შესაბამის ვალუტაში)
 - 3 ინტერნეტ ბანკინგის სრული პაკეტი;
 - 4 პლასტიკური ბარათი (1 ცალი Visa Flex Card)
 - 5 SMS მომსახურება (1 აბონენტზე)
 - 6 ავტომატური გადარიცხვა
 - 7 კომუნალური დავალიანების ავტომატური გადარიცხვა
 - 8 სატელეფონო პინ-კოდი
4. აღნიშნული მომსახურების ფარგლებში კლიენტს ეხსნება მხოლოდ ერთი მიმდინარე ანგარიში ეროვნულ ვალუტაში. უცხოურ ვალუტაში (მხოლოდ აშშ დოლარი და/ან ევრო) თითო დამატებითი ანგარიშ(ებ)ის გახსნა ხორციელდება კლიენტის განაცხადების საფუძველზე.
5. კლიენტის ანგარიშზე ლარის, აშშ დოლარის და ევროს ვალუტისგან განსხვავებულ ვალუტაში თანხის ჩარიცხვის შემთხვევაში, ბანკი უზრუნველყოფს თანხის კონვერტირებას და კლიენტის ანგარიშზე ჩარიცხვას შემდეგი პროცედურის დაცვით: ზემოაღნიშნული თანხა პირველ რიგში დაკონვერტირდება და ჩაირიცხება კლიენტის აშშ დოლარის ანგარიშზე. თუ კლიენტს არ აქვს გახსნილი აშშ დოლარის ანგარიში ბანკში, თანხა დაკონვერტირდება ევროში და ჩაირიცხება კლიენტის ევროს ანგარიშზე, ხოლო თუ კლიენტს არ აქვს არც ერთი ზემოაღნიშნული სავალუტო ანგარიში, ხსენებული თანხა დაკონვერტირდება ლარში და ჩაირიცხება კლიენტის - ლარის ანგარიშზე.
6. ერთი სავალუტო ერთეულიდან მეორეში თანხის კონვერტაცია იწარმოებს ანგარიშზე თანხის ჩარიცხვის დღეს არსებული სს „პროკრედიტ ბანკის“ კომერციული გაცვლითი კურსით.
7. წინამდებარე მუხლის მე-3 პუნქტით გათვალისწინებული პროდუქტების/მომსახურების გარდა, სხვა/დამატებითი/ახალი საბანკო პროდუქტით/მომსახურებით სარგებლობის შემთხვევაში, ფიქსირებული საკომისიოს გარდა კლიენტი იხდის სხვა/დამატებითი/ახალი საბანკო პროდუქტის სარგებლობისათვის/მომსახურების მიღებისათვის დაწესებულ საკომისიოს.
8. აღნიშნული მუხლით განსაზღვრულ მომსახურებაზე ან მასში შემავალ რომელიმე პროდუქტზე/მომსახურებაზე უარის თქმა, ავტომატურად იწვევს კლიენტთან გაფორმებული ყველა/ნებისმიერი ხელშეკრულების ცალმხრივად შეწყვეტას/ანგარიშების დახურვას. აღნიშნულ პირობაზე კლიენტი წინასწარ აცხადებს თანხმობას და მისი დამატებითი აქცეპტი ბანკთან სამართლებრივი ურთიერთობის/ხელშეკრულებ(ებ)ის შეწყვეტაზე/ანგარიშების დახურვაზე შემდგომში აღარ მოითხოვება.

მუხლი 29³. საბაზისო საბანკო პროდუქტები - „პასიური ანგარიშით მომსახურება“

1. ბანკსა და კლიენტ ფიზიკურ პირს შორის ფორმდება ხელშეკრულება „საბაზისო საბანკო პროდუქტებით სარგებლობის შესახებ“ („პასიური ანგარიშით მომსახურება“).

2. საბაზისო საბანკო პროდუქტებით („პასიური ანგარიშით მომსახურება“) სარგებლობა გულისხმობს მასში შემავალსაბანკო პროდუქტებით და შედავათიანი ტარიფებით სარგებლობის უფლების მოპოვებას ფიქსირებული საკომისიოს გადახდის სანაცვლოდ.
3. საბაზისო საბანკო პროდუქტებში („პასიური ანგარიშით მომსახურება“) შემავალი საბანკო პროდუქტებია:
 - 1 ერთი მიმდინარე ანგარიში ლარში, აშშ დოლარში, ევროში
 - 2 შემნახველი ანაზარი Flex Save (მიმდინარე ანგარიშის შესაბამის ვალუტაში)
 - 3 ინტერნეტ ბანკინგის სრული პაკეტი;
 - 4 პლასტიკური ბარათი (1 ცალი Visa Classic) თანხის განაღდების უფლებით
 - 5 SMS მომსახურება (1 აბონენტზე)
 - 6 სატელეფონო პინ-კოდი
4. აღნიშნული მომსახურების ფარგლებში კლიენტს ეხსნება მხოლოდ ერთი მიმდინარე ანგარიში ეროვნულ ვალუტაში. უცხოურ ვალუტაში (მხოლოდ აშშ დოლარი და/ან ევრო) თითო დამატებითი ანგარიშ(ებ)ის გახსნა ხორციელდება კლიენტის განაცხადების საფუძველზე.
5. კლიენტის ანგარიშზე ლარის, აშშ დოლარის და ევროს ვალუტისგან განსხვავებულ ვალუტაში თანხის ჩარიცხვის შემთხვევაში, ბანკი უზრუნველყოფს თანხის კონვერტირებას და კლიენტის ანგარიშზე ჩარიცხვას შემდეგი პროცედურის დაცვით: ზემოაღნიშნული თანხა პირველ რიგში დაკონვერტირდება და ჩარიცხება კლიენტის აშშ დოლარის ანგარიშზე. თუ კლიენტს არ აქვს გახსნილი აშშ დოლარის ანგარიში ბანკში, თანხა დაკონვერტირდება ევროში და ჩარიცხება კლიენტის ევროს ანგარიშზე, ხოლო თუ კლიენტს არ აქვს არც ერთი ზემოაღნიშნული სავალუტო ანგარიში, ხსენებული თანხა დაკონვერტირდება ლარში და ჩარიცხება კლიენტის - ლარის ანგარიშზე.
6. ერთი სავალუტო ერთეულიდან მეორეში თანხის კონვერტაცია იწარმოებს ანგარიშზე თანხის ჩარიცხვის დღეს არსებული სს „პროკრედიტ ბანკის“ კომერციული გაცვლითი კურსით.
7. წინამდებარე მუხლის მე-3 პუნქტით გათვალისწინებული პროდუქტების/მომსახურების გარდა, სხვა/დამატებითი/ახალი საბანკო პროდუქტით/მომსახურებით სარგებლობის შემთხვევაში, ფიქსირებული საკომისიოს გარდა კლიენტი იხდის სხვა/დამატებითი/ახალი საბანკო პროდუქტის სარგებლობისათვის/მომსახურების მიღებისათვის დაწესებულ საკომისიოს.
8. აღნიშნული მუხლით განსაზღვრულ მომსახურებაზე ან მასში შემავალ რომელიმე პროდუქტზე/მომსახურებაზე უარის თქმა, ავტომატურად იწვევს კლიენტთან გაფორმებული ყველა/ნებისმიერი ხელშეკრულების ცალმხრივად შეწყვეტას/ანგარიშების დახურვას. აღნიშნულ პირობაზე კლიენტი წინასწარ აცხადებს თანხმობას და მისი დამატებითი აქცეპტი ბანკთან სამართლებრივი ურთიერთობის/ხელშეკრულებ(ებ)ის შეწყვეტაზე/ანგარიშების დახურვაზე შემდგომში აღარ მოითხოვება.
9. დაუშვებელი „საბაზისო საბანკო პროდუქტებით „პასიური ანგარიში“ მოსარგებლე კლიენტზე ნებისმიერი ტიპის კრედიტის/სესხის გაცემა (მათ შორის ოვერდრაფტი, საკრედიტო ბარათი).
10. კლიენტი უფლებამოსილია აღნიშნული თავით განსაზღვრული მომსახურება შეცვალოს/ჩაანაცვლოს - „საბაზისო საბანკო პროდუქტებით „აქტიური ანგარიში“ მომსახურებით და არა პირიქით.